

جریدہ علمیہ

مشخت جلیلہ اسلامیہ نمک جریدہ رسیہ سیدر

ربیع الآخر ۱۳۴۳

عدد: ۱۰

آیدہ بر نشر اول نور

ایکونجی سنہ

خامساً، مذکور عرصه‌نك بر قسمی اهالی به متروك میدانلق اولمق اوزره حکم ایدلمش ایسه ده اهالی به متروك میدانلق اولمق ایچون از قدیم اهالی به ترك ایدلمش اولمق شرطدر یوقه اعلامده محکی اولدینی اوزره مزور زمان ایله میدانلق حالی اکتساب ایده مز. زیر امرور زمان عمومی اولسون، خصوصی اولسون کمنه به حق بخش ایتمز بوسورتده اعلامده محکی اولدینی وجهله شهودك مجرد قرق سنه دنبری اهالینك اوراسی ایله انتفاع ایتمكده بولمق قرینه دأثر اولان شهادتلیله و مرور زمان وقوعیله اوراسنك عمومه عائد بولنسی لازم کلز .

سادساً، متولینك دعواسی مرور زمانه ممنوع الاستماع اولمق ایچون تصرف واقمك متولی مواجهه سنده وبلا عذر اولمق لازم ایکن بوجهتله نظر اعتنایه انعامشدر .



بلیغات مهمه

- تقریق و طائف نظامنامه سی موجبجه محکمه نظامیه نك وظیفه سی داخلنده اولان وحکم قطعی به اقتران ایتمش .
- بولنان دعاوینك دوام رؤیتنه طرفین راضی اولمادقلری حالده محاکم نظامیه به دورینه دأثر .

سایخ ذی القعدة سنه ۱۳۳۲ تاریخلی و اوتوز طقوز عددلی تحریرات عمومیه به ذیلدر .
محاکم شرعیه و نظامیه نك تقریق وظائفی حقنده کی نظامنامه موجبجه محکمه نظامیه نك وظیفه سی داخلنده اولان وحکم قطعی به اقتران ایتمش بولنان دعاوینك دوام رؤیتنه طرفین تحریراً راضی اولمادقلری حالده محاکم نظامیه به دوری لزومی تعیماً قضائه اشعار ایدلمش اولمغه طرف فاضلانله لرندن دخی اکاکوره معامله ایفا ونسیخ ملفوفه نك ملحقات قضائه اسرانه همت اولنسی سیاقده شقه محبی ترقیم قلندی .

۲۳ ذی الحجه سنه ۱۳۳۲ و ۳۰ تشرین اول ۱۳۳۰



- ترکیه داخل وایتا-ه عائد اولمق بائقهلرده بولنان میالینك بائقهلرجه اولیا و اوسیا به دکل ترکیه بی تحریر ایدن محاکم شرعیه به تودییی اقتضا ایدر .

افسکی قضائه تابع ابرادی ناحیه نك سفلا محله سندن اولوب زوجیه سی ایله صغیر اوغلی ناجی بی ترکیه وفات ایدن نوایدن عاکف اقدی زاده محمد توفیق اقدینك حال حیاتنده انطالیه عثمانلی بائقه سی شعبه سنه تودیع ایتمش اولدینی نقودك اخذ وقبضی ایچون زوجیه سی و صغیر مزبورك والده سی طرفندن بالاصاله و بالوصایه توکیلی حاوی ناحیه مذکوره

نیابت شرعیہ سنجہ تنظیم ایدیلوب وکیل یدندہ کوریلن حجت اوزرینه شعبہ مذکورہ ایله بالمخبرہ متوفای مومی الیہک یوزاللی اوچ لیرا قدر نقودی اولدینی آکلاشلش و بیك بش یوز غروشدن فضله ایتم حصہ لرینک ایتم صندوقلرنجه ارباحی مقتضی بولنمش اولمسی حسیله زوجہ یه عائد حصہ نک وکیلہ اعطاسی وصیر مزبورک حصہ سنک ده اقسکی ایتم صندوقه ارسال و تسلیمی مذکور شعبہ دیرکتورلغه بیلدیرلمش ایسه ده بوصورتله اولیا و اوصیانک اخذ ایتملرندن طولایی حقوق ایتمک اضاعه ایدلمسی احتمالہ مبنی احکام نظامیہ ایله حقوق ایتمی محافظه بعد ازیں بوکی ایتمه عائد مبالغک محاکم شرعیہ تودیی خصوصنک عثمانلی بانکسی مدیریت عمومیہ سنه و خصوص مذکورہ دائر و کالترده حقوق ایتمک محافظه سنه بغایت اعتنا ایدلمسی لزومنک ده تعیمماً قضاتہ اشعاری انطالیه قاضیلکدن ازبار اوله رق ایجابی اجرا ایدلمش اولمغه طرف فاضلانہ لرندن دخی بویولده معامله ایفا و نسخ ملفوفه نک مایحقاقه اسراسی خصوصه همت ایللری سیاقده شقه محبی ترقیم قلندی .

۲۰ صفر ۱۳۳۳ و ۲۰ کانون اول ۱۳۳۰

*
* *

« محاکم شرعیہ دن تعریف وجهله ماتیلان املاکی اشغال ایدنلرک تخلیه دن امتناعلری حالنده قاضی جانبندن ویریلجک مذکورہ نک اساس اجرا اتخاذا اولنمنه دائر »

۲۰ ذی القعدہ سنه ۱۳۳۱ تاریخی ویکرمی درت عددلی تحریرات عمومیہ یه ذیلدره: مادیوناً وفات ایدنلرک ترکہ لرندن تسویه دین ایچون معرفت شرعله بالمزایده بیع و ثمنی قبض اولتان املاکک مشتریلری نامنه سند خاقایلری استحصال اولندقدن صکره املاک مذکورہ یی اشغال ایدنلرک تخلیه دن امتناعلری حالنده قاضی جانبندن دائره اجرایه یازیلجق مذکورہ اوزرینه اجرا مأمورلغجه مبيعک تخلیه و مشتری یه تسلیمی مناسب اوله جفندن اول وجهله ایفای معامله اولنسی خصوصنک تعیمماً قضاة کرامه اشعاری اولبابده خداوندکار ولایتی مرکز قاضیلکندن وارد اولان تحریرات اوزرینه مجلس تدقیقات شرعیہ دن افاده اوله رق ایجابی اجرا ایدلمش اولمغه طرف فاضلانہ لرندن دخی آکا کوره اقتضاسنک ایفا و نسخ ملفوفه نک ملحقات قضاتنه اسراسه همت اولنسی سیاقده شقه محبی ترقیم قلندی .

۲۷ صفر ۱۳۳۳ و ۱ کانون ثانی ۱۳۳۰

*
* *

« محاکم شرعیه باش کاتبلرینه عائد کفالت یوقلمه لرینک محل تودییی حقنده »

۲۳ ذی الحجه سنه ۱۳۳۲ تاریخی و قرق درت عددلی تحریرات عمومیه یه ذیلدر :
محاکم شرعیه باش کاتبلرینک حاصلات شرعیه علم و خبرلرینه وضع یدلرندن طولایی
اعطاسنه مجبور بولندقلری کفالت یوقلمه ورقه لرینک محللری مأمورین مالیه سنه تودییی
لازم کلور ایکن بعض طرفلرجه باب فتوایه اسبال قلمقمده اولسنه نظراً برکونه یا کاشلغه
محل قالماق اوزره بعدازین بوقیل یوقلمه لر حقنده برمنوال محرر معامله ایفاسیاه یالکز
ایتام مدیریتی اموری وظیفه منضمه اوله رق عهده لرینه تفویض قلنش اولان باشکاتبلردن
وظیفه مذکوریه متعلق اوله رق اله حق کفالت یوقلمه ورقه لرینک مقام محیی یه تسیار
ونسخ ملفوفه نك ملحقات قضاتنه تبلیغ اولنسی لزومنك بیانه مبادرت قلندی .
۷ ربیع الاول ۱۳۳۳ و ۱۰ کانون ثانی ۱۳۳۰

*
**

« محاکم شرعیه ده برسنه ظرفنده رؤیت اولنان ویا صلحاً تسویه ایدیلان دناوی و مصالح شرعیه واولیابده
صادر اولان اعلالات و حجج ایله برسنه لك حاصلات شرعیه مقادیرینك لزوم اشعارینه دائر »

اوج یوز اوتوز سنه سی ایچون عمومی بر ایستاتستیک جدولی در دست تنظیم بولنش
اولسنه بناء محاکم شرعیه ده برسنه ظرفنده رؤیت اولنان ویا صلحاً تسویه ایدیلان دعاوی
و مصالح شرعیه واولیابده صادر اولان اعلالات و حجج شرعیه ایله برسنه لك حاصلات
شرعیه مقادیرینك دوسیه وایستاتستیک قلمنجه بیلنسنه لزوم کورلش اولدیغندن لفاً ارسال
اولنان مطبوع سال جدول لرینك ایجاب ایدن جوابلر یازلدقندن صکره عیناً و سریعاً تسیاری
خصوصنك تعمیماً قضاته اشعاری اوراق مدیریتدن افاده اولنه رق ایجابی اجرا ایدلش
اولغله طرف فاضلانلرندن دخی آکا کور اقتضاسنك ایفا ونسخ ملفوفه نك ملحقات
قضاته اسراسنه همت اولنسی سیاقنده شقه محیی ترقیم قلمدی .

۱۸ ربیع الاول ۱۳۳۳ و ۲۱ کانون ثانی ۱۳۳۰

*
**

« تبعه عثمانیه نك روم اورتودوکس جماعتندن وفات ایدنلرک ترکهلرنده ظهور ایلیان و میتناملرک موسی نك وفاتندن
اول معامله تصدیقیه سی اجرا قلندیقی تقدیرده محاکم شرعیه جه قبول ایدلسی وشو صورتله معامله تصدیقیه سی اجرا
قلنمیانلر مؤخرأ تصدیق ایدلش اوله لر بیله وثوق واعتبارلری حقنده محاکم مشار الیه جه قواعد عمومی یه توفیقاً
تدقیقات و تحقیقات اجراییله نتیجه حاصله یه کوره قرار ویرلسی حقنده »

متوفی یورکی ریزو ورثه سندن والده سی النی و لایون برادری اناسطاشک وکیلی
طرفندن متوفای مرقومک زوجیه سی علیه اقامه اولنان دعاویه قارشى مزبورده جانبندن

ابراز اولان وصیتنامه وسائر صورتلرینک لایحه استفسار معاملہ بی حاوی غلطہ قاضیلغندن وارد اولان تذکرہ اوزرینہ موصلینک وفاتندن صکرہ بطریقخانہ لرحہ تصدیق ایدلمش اولان وصیتنامہ لردن طولایی مقام محیدن سبق ایدن اشعارہ جواباً ۷ صفر ۱۳۳۲ تاریخی تذکرہ سامیہ ایله مبلغ شورای دولت هیئت عمومیه سنک ۱۹ محرم ۱۳۳۲ تاریخی مضبطہ سندہ اولیابده تنظیمات دائرہ سنجه اتخاذ اولان قراردن مقصد تبعہ عثمانیہ نک روم اورتودوقس جماعتندن وقات ایدنلرک ترکه لرندہ ظهور ایلان وصیتنامہ لر موصلینک وفاتندن اول بطریق ویا مترہ پولید یاخود بسقپوس طرفندن تصدیق ایدلمش اولدینی حالده محاکم شرعیہ جه معتبر طولیق وموصلینک وفاتندن اول بطریق ویا مترہ پولید یاخود بسقپوس طرفندن تصدیق ایدلمش بولندینی تقدیرده صکرہ دن اورالردن تصدیق ایدلمش اولسه بیله وثوق واعتباری حقدہ محاکم مشارالیه اجه قواعد عمومیه یه توفیقاً تدقیقات وتحقیقات اجراسیله نتیجہ حاصلیه کوره قرار وحکم اولنق لازم کله جکنی بیاندن عبارت اولدینی آکلاشلش وبودہ جماعت مذکورہ نک امتیازات مذهبیه سنی تأییداً متخذ مقررات ایجاباتنه موافق کورلمش اولدینی بیان اولوب لدی التدقیق مبحوث عنه وصیتنامه موصلینک وفاتندن صکرہ تصدیق ایدلمش اولسنه واکرچه مذکور وصیت نامه نک قبل الوفات بطریقخانہ کاتبه تودیع وظرف درونندہ اولدینی حالده اوزری موصی وکاتب طرفندن تمهیر ایدلدیکی اوراق مطالعه سندن مفهم اولمقده ایسه ده بو صورت امتیازات مذهبیه لرینی مین مقررات احکامیه شورای مشارالیه انک مذکور قراری صراحتہ قارشو برکونه حکم وتأثری اوله میه جغه بناءً مذکور وصیتنامه حقدہ سالف الذکر هیئت عمومیه قراری موجبجه وعائدتی ایجابجه قسام عمومی محکمہ سنجه ایفای مقتضاسی وکیفیتک قضاء کرامده تعمیماً تبلیغی مجلس تدقیقات شرعیہ دن افاده اولنه رق ایجابی اجرا ایدلمش اولمغله طرف فاضلانہ لرندن دخی اکا کوره معاملہ ایفا ونسخ ملفوفہ نک ملحقات قضاتنه اسراسنه همت اولنمی سیاقنده شقہ محبی ترقیم قلندی .

۱۹ ربیع الاول ۱۳۳۳ و ۲۲ کانون ثانی ۱۳۳۰

*
**

• محتاج معاونت عسکر عائلہ لرینہ معاشات تخصیص واخذینہ هائد معاملات واوراقلک هر نوع خرج ورسدن معافیق اعتباریه اشبو هائلہ لرک معینلری علیہ خصوصات مذکورہ دن طولایی محاکم شرعیہ یه وقوعبوله جق مراجعتلریله باشلايه جق معاملاتک نتیجہ مطلوبیه وصولنه دکن محاکم شرعیہ جه ده برکونه خرج ورسم وسائر التماسی حقدہ •

مکلفینک محتاج معاونت اقرباسنه مکلفیت عسکریه قانوننامه موقتک اللجی ماده سندہ کی

جدول موجبنجه على الدرجات معين ويريلنلر مكلفك انفكاكيله محتاج معـ اونـت قالهـ حق افراد عائلهـ سنك ايكنجى درجهـ ده اتفاق واعاشهـ سيله مكلف اولان اشخاصدن عبارت اولسنه نظرآ بونردن وظيفه تعاونى ايفا ايتـمـانلر حقندـه علاقه دارانك محاكم شرعيهـ به بالمراجعه معينلرينك معاونته اجبار ايدلسنى طلب واستدعا صورتيله اسباب معيشـتلرينى تأمين ايدـهـ بيلهـ جكلرى كـرچه امور ممكنـهـ دن ايسـهـ ده حد ذاتندـه محتاج معاونت بولنان برعائـهـ نـك تسويهـ سى ايجابات نظاميهـ دن اولان محاكم خرجى وقرعاتى اعطايه قدرتياب اولهـ ميهـ جكلرى جهـتـلهـ بوصورتـلهـ ده استيفاي حقوقهـ موفق اولهـ ميهـ جكلرى مستغنى تذكـار بولنديغـدن مارالذـكـر قانونـنامهـ نـك قرق طقوزنجى مادهـ سى فقرهـ اخيرهـ سـندـه محتاج معاونت عائلهـ لره معاشات تخصيـصـ واخذينه عائد معاملات واوراـقـك هر نوع خرج ورسـمـدن معاف اولهـ جنى ومختارلر طرفـدن علم وخبر ايجون اجرت آرائـيهـ جنى محرر بولنقـده اولديغـه توفيقاً مذـكـور عائلهـ لرك خصوصات مزبوره حقندـه واقع اولهـ جـق مراجعتلى ايلهـ باشلايهـ جـق معاملاتك نتيجهـ مطلوبهـ به وصـوانه دكين محاكم شرعيهـ جهـده بركونه خرج وسائرـهـ نامـلـريـله مطالبـانـده بولنـلـمـامـسى حقندـه حربه نظارت جليهـ سـنـدن وارد اولان تذـكـره اوزرينه موجبنجه ايفاي معامـله ايدلسنى لزومـك تعميماً قضاة كرامه اشمارى مجلس تدقيقات شرعيهـ دن افاده اولهـ رـق ايجابى اجرا ايدلش اولقـله طرف فاضلانـهـ لرـدن دـخـى اكاكوره اقتضاسـنـك ايفا ونسخ ملفوفـهـ نـك ملـحـقات قضـانـه اسـراـسنـه هـمت اولنسى سياقـده شـقهـ محـبـى ترقيم قلندى .

٢٨ ربيع الاول ١٣٢٣ و ٢١ كانون ثانى ١٣٣٠

*
* *

« خلافت معظمه اسلاميه قطعات عكـريـهـ سـنه عائد سـنـجـاقـلـرك ديدنه قديمه وجهله مظهرتوقير واحترام اوللرى خصوصه »
بغايت دقت واهـتـنا اولنسى حقندـه *

اردوده ذات حضرت خلافتنا هـنـك تمثال مغويلرى وحيات قدسيه عـسـكـريـهـ ده نشانه خوارق مظفريات و عنعنات اولان سـنـجـاـغـك حيات عموميه ملتـدهـ دـخـى لائق اولدينى مراتب مخصوصه توقيره مظهرتى امت نجيـهـ اسلاميهـ نـك عصر سعادتـدن برى بوخصوصه عائد اولهـ رـق پرورده ايدـهـ كلـديكى جسيات جيلهـ به نظرآ مأمول وبويله برحال ومعامـلهـ بالوجوه مستحسن ومرغوب اولمـسـيله خـلـقـك بوخصيصه جيلهـ به بيكانه طورمهـ سى ومشروطيت ادارـهـ نـك فرداي تأسـنـدن اعتباراً باليمن اجراسنه باشلانيلان تشكيلات عـسـكـريـهـ خدمت مقدسه وطنيهـ بى عـسـكـركـ صورتـنده دـخـى عموم افراد ملتـه تشميل ايتديكـنـدن هر كـسـك

عسكرلكه اساسلى برميل ومحبّت صاحبي اولمى وكندينى ياخود اولاد وافرېنى حالاً
واستقبالاً صفوف عسكرىه ارمهنده كورده جك افراد اهانك شميدن بالجملة مقدسات
عسكرىه يه ايفاء تعظيم واحترام ايدرك احوال وايجابات عسكرىه ايله پيدى استيناس ايلمى
مرتبه وجوبه كيرمش بولمنه واساساً برامر دينى يه مطاوعتى اثبات ايدم جك ماهيته
كورينه جك بوحال من القديم دست تربيت شريعت غراده وايه دار فيض ورفعت اولان
عموم افراد ملت ياقيشه جق صفات مميزه دن اوله جفته بناء بعد ازين هر هانكي بر قطعه
عسكرىه نك سنجاغنى حامللاً كچديكى محملرده بالعموم خواص وعوام ملت عثمانيه نك مذكور
سنجاغه قارشى برعسكر كچي رسم سلام ايفاسنه مجبور طوتملى لى لزومى حربيه نظارت
جليله سندن كوندريلن تذكرده درميان قلنش وصورث اشعار شايان قبول وامثال
كورنديكندن ايجابنه توسل ايدلمى خصوصه مجلس مخصوص وكلاجه قرار ويرمش اولديغى بيانيله
اقتضاسنك ايفاسى حقده وارد اولان تذكره ساميه اوزرينه كيفيت تعميماً قضاء كرامه
تبليغ ايدلمش اولمغه طرف فاضلان لرنندن ده علمائى محليه واسطه سيله اهالى يه بويولده ايفاي
وصايا ونسخ ملفوفه نك ملحقات قضائيه اسرا ايدلمى سياقده شقه محبي ترقيم قلندى .
٥ ربيع الاخر ١٢٣٣ و ٧ شباط ١٣٣٠

رئيس العلماء القى عنوان عالىسى

« عيده لرينه رئيس العلماء القى عنوانك توجهنى مشعر تيكوشلى ساحتلو يوسف ضياء الدين افندى حضرت لرينه
تسطير بيوريلان تذكره عليه صورتيدر »

صدور عظامدن رئيس العلماء تيكوشلى ساحتلو يوسف ضياء الدين افندى حضرت لرينه
صدور عظامدن پايه جليل صدارتى تاريخ احرازده اك قدملى بولنان ذات عالينك
رئيس العلماء عنوانته احراز ايلمى ديدنه متحسنة ديرينه دن اولوب سالف الذكر عنوان كزين
رتبه بالا ترين علمك بحق صاحب ذى كالى وفيض عرفانك ناشر بى مثالى اولان ذات
عالى سموحيلرينه قدم صدارت اعتباريله ده توجه ايلش وشو صورتله رئيس العلماء القى
عنوانى صدور عظامك اك قدملىسى اولمغه برابر منتسين علم وعرفانك ده سرنامه مباهاى
بولنان بروجود قيمتدارده تجلى ايدم رك جداً مدلوله دال برشكل كال اكتساب ايتمش